

Th. Melanch.
thor.

Oratio vna
I. M. Lips.
Friedrichs am
Meyn, 1546.

1978

L

1054



Adrese Clusey
all







ORATIO

Über der Leich des
Ehrwürdigen Herrn D. Martini Lu
thers / gethan durch Philippum Melan
thon / Am xxij. tag Februarij.

Verdeutschet aus dem Latin
durch D. Caspar Creus
ziger.

Anno XLVI.



ORATION

Handwritten text, mostly illegible due to fading and bleed-through.



78 L 1054

AK
Lgh. 2

\$



O R A T I O
Vber der Leich des Ehrwürdigen Herrn
D. Martini Luthers / gethan durch
Philippum Melanthon.



Memolich in
diesem vnserm vñ
aller fromen hertz
en/ vnd der Kirch
en Christi gemeis
nem leid vnd trau
ren/ für eignem be
trübnus schwer
lich reden kan/ Jes
doch weil ich / inn
dieser Christliche
samlung etwas sa
gen sol/ wil ich nit

wieder Zeiden gewonheit gewesen / allein des verstorb
nen Lob preisen / Sondern diese ehrliche samlung erins
uern vñnd vermanen / von der hohen wunderbarlichen
Göttlichen regierung / seiner Kirchen / vnd von manche
erley fehrlichkeit / damit sie allezeit zu Kempffen hat /
Auff das Christliche hertzen deste vleissiger solches bes
trachten / vnd bedencken / womit sie sich fürnemlich bes
kümern / warnach sie trachten / vñnd was sie zum höch
sten von Gott begeren sollen / Item was sie für Exem
pel inen sollen für augen stellen / denen sie folgen / vñnd
Darnach sie jr ganzes leben richten sollen.

Denn ob wol die Gottlosen Welthertzen / so Gottes
wort vnd Christlich Religion für nichts achten / dafür
halten / es gehe in solcher vielfeltigen furfallenden vns
A ij ordnung

ordnung vnd zerrüttungen des menschlichen lebens vñ
aller Regiment/alles also vngesehr/ vnd on Göttliche
regierung/ So sollen doch wir/so Christen seind / durch
so viel vnd mancherley klare vnd öffentliche Göttliche
zeugnis vns stercken/ vnd die Kirch Gottes weit vnter
scheiden vnd sondern/von dem andern Gottlosen hauf
fen/Vnd gewislich schliessen/dz Gott sein Kirch durch
seinen Göttlichen wunderbaren Rath vnd krafft/ regi
re vnd erhalte/Vnd der selben Kirchen regierung recht
lernen ansehen vnd verstehen/vnnd rechtschaffen/von
Gott gegebene Lerer mit danckbarkeit erkennen/vnnd
betrachten/wie sie die zeit irer Lere vñ Lebens/ vñ Gott
regieret sind/ Vnnd vnter den selben vns zum Exempel
fürstellen/die hohen/fürneme stē / rechtschaffen Lerer/
als vnserer Veter / heubter vnd fūrgenger/denen wir bil
lich nachfolgen/vnd inen gebürliche ehre thun sollen.

Von dieser grossen sachen/sollen wir gedenccken vnd
reden/so offft des Ehrwürdigen herrn D. Mart. Luth.
vnserer lieben vatters vnnd Preceptoris gedacht wird/
Welchem ob wol viel Gottloser leut bitter vnd grimig
feind vnnd gehas gewesen/ So sollen doch wir/die wir
durch Gottes gnade wissen/ das er ein hoher furtreffli
cher vnd trewer diener Christi/ vnd prediger des Euan
gelij/ vñ Gott sonderlich erweckt vnd vns gegeben ist/
in lieben vnd loben/ vñ bey vns selbs allerley zeugnis zu
samen suchen/vnd betrachten/welche beweisen/das sei
ne Lere nicht sey ein vnchristlich auffrūrisch furgeben/
aus eigen freueler thurst ausgebreitet/wie viel Gottlo
se Epicurer dafür halten vnd ausschreien.

S Vnd wiewol man pflegt in solchen reden/so man
von den verstorbenen thut/ viel zu sagen von son
derlichen tūgenden/dere die man loben sol/die sie
in irem leben/an inen ghabt oder erzeugt haben / So wil
ichs

ichs doch/etzund davon zu reden/ anstehen lassen/ vnd
allein von diesem furnemesten sagen/ Nemlich/ vonn sei
nem Ampt so er in der Kirchen regierung gefürt/ Denn
frome Gottföchtige hertzen sollens gewis dafür hal
ten/ So Doctor Martinus Luther/ seliger/ die rechte/
reine/nötige/vnd heilsame lere in der Kirchen trewlich
geleret vnd erkläret hat/ das Gott allzeit dafür hoch zu
dancken sey/ das er diesen Man erweckt/ vnd das sein ar
beit vnd vleis/ trew vnd bestendigkeit/ so er in seinem le
reampt erzeigt/ vnd andere tugent/ billich zu loben vnd
rhümen/ vnd das allen Gottföchtigen billich/ sein ges
dechnis lieb vnd werd/ sein solle.

So wollen wir nu an dem erstlich anfahē / wie S.
Paulus spricht / Das Gottes Son Ihesus Chri
stus ist in die höhe gefaren/ vnd sizet zur rechten
seines Ewigen Vatters / vnd gibt den Menschen Gött
liche gaben/ nemlich die Ler des Enangelij/ vnd den hei
ligen Geist / Vnd dz wir solcher gaben theilhaftig wer
den/ erwecket er Propheten/ Aposteln / Lerer vnnnd Hir
ten/ Vnd nimpt dieselbigen aus dieser vnser Sammlung/
oder dem heufflin/dere/ die da Schüler sind/ vnd die hei
lige Schrift der Heiligen Propheten vnd Aposteln les
sen/ hören/ lieben vnd trewlich da bey bleiben.

Vnnnd beruffet oder erwecket zu dieser Arbeit vnnnd
Ritterschafft/ nicht allein die jenigen/ so in der ordenli
chen Oberkeit vnd Regierung sind/ Sondern macht es
offt also/ das er eben die selben antastet / vnnnd wider sie
streitet/ durch Christliche Lerer vnd Prediger so er aus
andern gemeinen Stenden vnd Leuten erwelet. Vnd ist
einē Christlichē hertzē/ gar tröstlich vñ nützlich/ zu sehē
so er die Kirche zu jeder zeit der Welt/ fur augen hat/
vnd die grosse hohe Göttliche wolthat betrachtet/ wie
Gott von anfang jmer fur vnd fur/ heilsame Lerer seie

A iij ner Kir

ner Kirchen/je einen nach dem andern gesand hat/also/
dz gleich/wie in einer Schlacht ordnung/wo die/so for
nen im Glied ersten gestanden/hinweg komen/so baldt
andere an/der selben stat/vnd in ire Fusstapffen/getret
ten sind.

Also sind die ersten heiligen Veter in einer ordnung
einander gefolget/Adam/Seth/Enoch/Mathusalem/
Noah/Sem/bey dieses leben/da er inn der nehe bey So
dom wonet/als nun die Heiden der Götlichen lere der
heiligen Ergvetter Noah vnd Sem/albereit vergesse/
vil allenthalben in Abgötterey geraten waren/da ward
Abraham von Gott erwecket/das er des alten fromen
Sems mitdiener vnd ghülffen were/in dem hohen Göt
lichen werck/die reine Lere zu Predigen/vnd aus zubrei
ten/Nach diesem sind gefolget Isaac/Jacob/Joseph/
welcher im ganzen Land Egypto/das die zeit das scho
nest vnd löblichste Königreich war auff erden/die rein
heilsam Lere/ans Liecht bracht.Hernach sind erweckt/
Mose/Josua/Samuel/David/Elia/Eliseus/welchen
der Prophet Esaias gehört/Diesen hat hernach Jeremi
as gehört/Jeremiam Daniel/Danielen Zacharias/dar
nach Esras/Onias/Vnnd nach diesen die Maccabeer/
folgendes Simeon/dauon Luce ij. gesagt wird/vnd Za
charias/vnnd sein son Johannes der Teuffer/Christus
selbs/vnd die Aposteln.Diese schöne Ordnung vnd fol
ge/der höchsten theuresten Leut auff erden/ist nützlich
vnd lustig zu betrachten/Denn es ist ein gewaltig klar
vnd öffentlich zeugnis/Das Gott allzeit bey seiner Kir
chen ist/sie regieret/vnd erhalt.

Nach den Aposteln ist komen der folgende hauffe/
der Lerer in der Kirchen Christi/welche/wiewol sie den
vorigen Veteren/Propheten vnd Aposteln/nicht zu glei
chen/vnd etwz schwächer gwest/So sind sie doch auch
A iij durch

durch Göttliche zeugnis begabet vnd gezieret/ als Poly-
lycarpus/ Ireneus/ Gregorius Neocesariensis/ Basili-
us/ Augustinus/ Prosper/ Maximus/ Hugo/ Bernar-
dus/ Taulerus/ vnd etliche andere an andern örten/ Vñ
ob wol diese letzte zeit/ als das letzte vnd schwachste Al-
ter der Welt/ viel gbrechlicher ist/ weder die vorigen ge-
weßt/ So hat doch Gott allezeit etliche/ dadurch er die
lere in der Kirchen wider vernewt/ vnd irthumb gstraf-
fet/ als vberige erhalten/ Vnd ist offenbar/ das jezunde
zu vnser zeit die reine Lere des Euangelij/ durch den mü-
de vnd schrift/ des ehrwürdigen herrn D. Martini Lus-
thers/ viel heller vnd reiner wider angezündet/ vnd ans-
licht bracht ist.

Darumb sol er billich/ vnter die zal vñnd-ordnung
der hohen fürtrefflichen Leute gezelet werden/ welche
Gott sonderlich erweckt vnd gsand/ seine Kirchen auff
erdē zusammen zu bringen/ vnd wider auff zu richten/ vñ
wir sollen wissen/ das solche Leut für die schönste blüt-
oder bestē kern vñ ausbund des menschlichē gschlechts
auff erden zu halten.

Denn ob mann wol auch etliche vnter den Heiden/
für grosse fürtrefflich leut anziehen vnd rhümen mag/
als Themistocles/ Scipio/ Augustus/ vnd deren gleichē
gewest/ So sind sie doch diesen vnsern hohen Wunders
leuten/ Lerern vnd heuptern/ noch lang nicht zu gleich-
en/ vnd viel geringer/ denn Esaias/ Johannes der Tenf-
fer/ Paulus/ Augustinus/ D. Luther. Solche vngleich-
eit vñnd vnterschied/ zwischen den Leuten/ so Gott den
Heiden zu nutz der Weltlicher regierung gegeben/ vnd
denen durch welche er seine Kirche regieret / sollen wir
Christen verstehen vnd betrachten.

W Als sind aber nu für furneme sondere stuck/ war-
hafftiger lere/ durch D. Luth. an tag gebracht
oder

oder erkleret / darumb er in seinem lauff vnd Lereampft/
so er zu seiner zeit volendt / billich zu loben? Denn wir se-
hen / das jezund viel / auch grosse Leute feindlich schrei-
en vnd klagen / das die Kirch vbel zerrüttet vnd verwir-
ret sey / vnd viel vnnötigs gezencs erreget / welches nie-
mand verrichten / noch wider zur einigkeit bringen köñ.

Solchem schreien antwort ich / Das der Kirchen re-
gierung in der Welt / allezeit also gethan ist / So der hei-
lig Geist die welt strafft / so erheben sich zwitteracht vnd
spaltung / Die vrsach aber vnnnd schuld solcher vneinig-
keit / ist allein dere / die da den Son Gottes nicht hören
wollen / von welchem der himlisch Vatter geboten vnd
gesagt hat / Diesen solt jr hören.

Doctor Luther hat die warhafftige reine Christli-
che lere / so zuuor in vielen furnemen Artickeln verdunck-
elt / wider an tag bracht / vnd mit fleis erkleret / Denn dz
ist offentlich vnd vnleugbar / das viel grosse / grobe vñ
greiflich finsternis vnd irthumb in der Mönch lere von
der Busse gewesen. Diese hat er gestraffet / Vnd geleret /
was rechte Christliche Busse sey / vnd welches da sey der
gewisse / warhafftige / beständige trost der hertzen vnnnd
gewissen / so fur Gottes zorn von wegen der Sünden er-
schrocken sind.

Er hat auch erkleret die rechte Paulische Lere / wel-
che sagt / dz der Mensch allein durch glauben / fur Gott
gerecht werde / Item / er hat auch gezeigt / vnd mit vleis
geleret / die nödtige vnterscheid zwischen dem Gesetz vnd
dem Euangelio / Vnnnd zwischen der hohen Göttlichen
gerechtigkeit des Geists / vnd der eusserlichen weltlich-
en Zucht oder frömmigkeit. Also hat er auch geleret / was
rechte Anruffung Gottes sey / vnd wie die geschehen sol /
Vnd hat die ganze Kirche gewisen von der Heidnische
bündheit vnd vn Sinnigkeit / so da treumet / man könne
Gott

Gott anrufen / ob gleich die hertzen / inn Heidnischen
zweueligen (ob sich Gott irer anneme / vnd sie erhörn
wolle) vnd in solchem zweuel für Gott fliehen etc. Da
gegen hat er die Leute vnterrichtet / das rechte Anrufs
fung mus geschehen im Glauben vnd gut gewissen / vñ
hat vns allein gewisen zu dem einigen mitler / dem Son
Gottes / der da sitz zur rechten des ewigen Vatters / vñ
bittet für vns / nicht zu steinern oder hülzern Bilden
vnd Götzen / noch zu todten Menschen oder verstorben
nen Heiligen / Wie der grosse hauffe Gottloser Leut / in
schrecklicher blindheit / zu solchen Götzen vnd Todten
zuflucht hat / vnd sie anbetet.

Er hat auch mit trewē fleis gelert von rechten gutē
Wercken / die da Gotte gefallen / Vnd hat dis gemeine
Christlich leben des Weltlichen regierenden / vnd aller
ander Eimpter vnd Stende / also gezieret / gepreiset vnd
vertheidiget / das des gleichen in keinen andern Schriff
ten also zu sehen ist.

Vñ endlich hat er vō den rechtē nötigē Christlichē
wercken / vnterschieden vnd abgesondert / die kindische
vbung in Ceremonien / vnd andern sagungen vnd gebo
ten / von menschen eingefurt / dadurch rechte warhafftē
ge anrufung Gottes verhindert wird.

Zu dem / damit die reine Christliche Lere / auch auff
die Nachkomen fort gepflanzet vnd erhalten werden
möge / hat er der Propheten / vnd Aposteln Schrifft / in
Deutsche sprach verdolmetscht / so liecht vnd klar / das
diese dolmetschung viel mehr liechts vnd verstand gibet
dem Christlichen Leser / denn vieler ander grosse Büchs
er vnd Comment.

Darüber hat er selbs auch viel schöner Auslegung
en etlicher bücher Mosi / Psalmen / Propheten / Euange
listen / vnd Aposteln geschrieben (zu dem / das er in Prea
B digten

digten von vielen jaren her gethan) Von welchen Eras-
mus also geurtheilt / das sie weit besser vnnnd nützlicher
seien / denn aller anderer Auslegung / dere schrifften für
händen sind.

Vnd wie von denen / so die Stadt Jerusalem wider
barreten / geschrieben / das sie mit einer handt am Baw
arbeiten / vñ mit der andern das Schwert fürten / Also
hat er zugleich auch wider die Feind der reinen lere müs-
sen fechten / vnd doch daneben viel schöner Auslegunge
welche voller tröstlicher Christlicher Lere sind / geschri-
ben / Vnd vielen armen irrigen vnd beschwerten gewis-
sen / mit Christlichem Rath vnd Trost geholffen.

Vnd dieweil die fürnemesten heubtstück Götlich
er lere / hoch vnd weit vber menschlichen verstand sind /
als die Lere von vergebung der Sünden / vñ vom glau-
ben / so mus man dabey abnemen / vnd bekennen / dz er vñ
Gott geleret sey / So haben auch viel vnter vns selbs ge-
sehen / was er für hohe geistliche Kampff gehabt / in wel-
chen er gelernet / das mann müsse durch glauben gewis
schliessen / das wir von Gott zu gnaden angenommen vnd
erhöret werden.

Darumb ist kein zweiucl / frome Christliche hertzen /
werden für vnd für / bis zu ewigkeit / die Götliche wol-
that rhümen vnd preisen / die er durch diesen D. Luther
seiner Kirchen gegeben / Vnd werden erstlich Gotte da-
für lob vnd danck sagen / Darnach auch für aller Welt
öffentlich bekennen / das sie dieses theuren Mans trewa
er fleis vnd arbeit / in schrifften vnd Predigten viel ges-
bessert / vnd jm dafür danckbar zu sein schuldig sind / ob-
wol die andern Epicurer vnnnd Gortlosen leute / welche
die ganze Kirche Gottes / vnd der Kirchen lere vnd re-
gierung verlachen / solch hohe tugent stolzighlich verach-
ten / vnd für vnnütz nichtig kinderwerck / oder auch für
lauter thorheit halten. Es

Es sind auch nicht / wie die Naseweisen sagen / ver-
geblich vncndlich gezencck vnd Disputation erregt / die
niemand verrichten könne / Vnnd ist nicht / wie etliche
hönisch dauon reden / solche Lere in die Kirchen gestre-
wet / darob man sich nur zanccken vnd hadern solle / wie
die Poeten sagen / das erwo ein schöner lustiger Apffel
vnter etliche Jungfrawen geworffen / darob sie sich vn-
ternander zanccketen. Es ist auch diese Lere nicht fins-
ster / tuncckel Kezle / die niemand verstehn könne / Denn
verstendige Gottföchtige Herzen / vnd die nicht müts-
willige Sophisterey vnd verkerung rechter Ler suchē /
können leichtlich sehen vnd verstehn / so sie die Artickel
widerwertiger Ler gegen ander haltē / welche der Göt-
lichen Lere gemess sind / vnnd damit vber ein stimmen /
oder nicht / Ja / es ist bey allen Gottfürchtigē / diese Re-
ligion sache schon geörtert / vnd gewislich beschlossen /
welches die rechte warhafftige Lere sey / Denn dieweil
sich Gott hat wollen offenbaren / vnnd zuerkennen ges-
ben / durch der Heiligen Propheten vnd Apostel mund
vnd Schrift / sol mā nicht dafür halten / dz solch wort
vnd schrift vngewis vnd vnerstendlich seien / als der
Sibille oder dergleichen tuncckel rede vnnd weissagun-
gen.

S Als aber etliche / auch gutherzige Leute je zu zei-
ten geklaget / D. Luther were etwas zu hart vñ
drauch gewesen im schreibē. Dauon wil ich nichts
Disputiern / weder in zu entschuldigen / noch zu loben.
Sondern lasse es bey der Antwort / die hieuō Erasmus
offt gegeben / Gott habe der Welt zu dieser letzten zeit /
darin grosse vnd schwere seuche vnnd gebrechen vbers-
hand genommen / auch einen harten scharffen Arzt go-
geben.

Vnnd so **GOTT** ein solch Werckzeug / wider die
B ij feind

feind des Euangelij/so mit groſſem ſtolz/frecheit vñ
freuel/wider die warheit lauffen/erwecket/wie er zu
dem Propheten Jeremia ſpricht/Sihe ich habe meine
wort in deinen mund gelegt/das du aus reiſſen/zubre-
chen/verſtören vnd verderben ſolt/vnd pflanzen vnd
bawen 2c. Vnnd ſo er ſie alſo mit D. Luthers harten
ſchriften hat ſchrecken wollen/ ſo mögen ſie Gott dar-
umb zu rede ſetzen/werden aber vergeblich mit jm dar-
ob rechten:

Gott regiert ſeine Kirche nicht nach menſchlichem
Rath vnd Weiſheit/vnd machet ſeine Werkzeug / ſo
er erwecket/nicht aller ding gleich/ Das iſt aber allzeit
vnd bey allen alſo/das gemeine eingezogne vnd ſittige
leute/nicht gefallen haben an groſſer hefftigkeit in an-
dern/ſie ſey gut oder böſe/Als Ariſtides zu Athen / da
er ſah/wie Themistocles mit groſſer freudigkeit/ſich
der regierung vnderſtund/vnd jm glücklich fort giëg/
wiewol er ſeinem Vatterland ſolche wolfart gern gön-
net/Bevlieſſe er ſich doch/ſo viel er kund/die groſſe ge-
ſchwindigkeit inn Themistocle zu meſſigen / vnd im-
zaum zu halten.

So wil ich auch nicht verneinē/das jm ſolche groſ-
ſe hefftige Leut/vnderweilen zu viel thuen/Denn es iſt
doch in dieſer ſchwachen elenden Natur/vnd menſchli-
chem leben/niemand on alle gebrechen/Aber doch / wo
etwa ein ſolcher Mann iſt/wie die alten Griechen/von
Hercule/Cimone/vnnd dergleichen geſagt haben / der
nicht alle zeit Höfflich/aber ſonſt ein auffrichtiger/
frommer/redlicher Man iſt/der iſt billich als ein ehrli-
cher tewrer Mann zu loben/Vnd wo er in der Kirchen
ſich erzeigt (wie S. Paulus ſagt) als der Ritterlich
ſtreitet/vnd behelt den glauben vnd gut gewiſſen/ So
iſt er auch Gott gefellig/vnd von den leuten aller ehre
werd zu halten.

Nu

Vu wissen wir/das D: Luther ein solcher Man ge-
wesse/ Den er hat ob der reinen Lere bestendiglich/vñ
mit treuem fleis gstrittē/vñ sie allzeit verteidigt/ So
hat er auch ein gut vnuerletzt auffrichtig gwissē behal-
tē. So mus auch ein jeder/der in recht erkandt/vñ offt
vmb ihn gewesen/ dieses zeugen/das er seer ein gütiger
Man gewesse/vnd wo er vnter den leuten gwesen/ mit
allen reden holdselig/freundtlich vnd lieblich/vñ gar
nicht frech/sturmisch/eigensinnig oder zencckisch/ Vnd
war doch daneben ein ernst vnd dapfferkeit inn seinen
Worten vnd geberden/als in einem solchen Man sein
sol/ Summa/ Es war in jm dz Hertz trew vñ on falsch/
der Mund freundlich vnd holdselig/ Vnd (wie S. Pau-
lus von den Christen forderet) alles was warhafftig/
was Erbar/was gerecht/was keusch/was lieblich ist/
was wol lautet ic. Daher offenbar ist/das die hartige-
keit/so er wider die feinde der reinen Lere in schriften
gebraucht/nicht eins zencckischen vnd boshafftigen ge-
müts/sondern eins grossen ernsts vñnd Eiuers zu der
warheit/gewesse ist/Solches müssen wir alle/vnd viel
ander frembder Leute/die in gesehen vnd erkand / von
jm zeugnis geben.

Welch ein schön vnd herrliche rede were hieuon zu
thun/wenn ich mir fürgenomē hette/dieses Mans lob
zu rhümen/vnd nach der lenge zuerzelen/die ganze Hi-
storien seins lebens/so er bis in drey vnd sechzig jar ge-
bracht/mit stättem grossen ernsten fleis vñ übung / in
Gottes furcht/glauben/anruffen Gottes/vnd ander
Christlichen tugenten/Item in allen guten vnd nützi-
chen Studien vnd Künsten/ Es ist nie kein vnzüchtig
wesen/oder ander vntugent an jm gespüret oder vera-
merckt/ Es ist kein wort/das sich zu auffrhur oder em-
pörung ziehē möcht/jemals von jm gehört/Sondern

B iij ha

hat alle zeit treulich zur sūne vñ friede gerathen vñ ge
holffen/ Er hat nicht ander frembde hendel/ in die Reli
gion sachē gemengt/ oder rencke gesucht/ seine oder der
seinē gwalt zusterckē. Solche weisheit vñ tugent/ ist so
gros vñ selzam/ dz siē nicht allein durch mēschlich ver
mögen vñ fleis kan zu wegē bracht werdē/ Sondern es
gehört Göttliche gnad vñ gab dazu/ die da sonderlich
solche hohe leut/ so von Natur hefftigē hohen vñ bren
nendē mut haben (wie D. Luther gewesen) im zaū halte.

ES wurde zu lang vō andern seinen tugenden zu
sagen/ Doch wil ich etliche anzeigē/ Ich bin selb
oft dazu komē/ dz er mit heissen threnē/ für die
ganze Kirch sein gebet gesprochen/ Den er nam im teg
lich sondere eigen zeit vñ weile/ etliche psalmē zusprech
en/ darunter er mit seuffzē vñ weinē sein gebet zu Gott
menget/ vñ ward oft in teglichen reden vnwillig vber
die/ so da aus faulheit/ oder vō wegen irer geschafft für
gebē/ es sey gnug/ allein mit cinem kurzen seuffzē Gott
anruffen/ Den es sind (sprach er) eben drum/ form vñ
weise zu beten vns fürschrrieben/ dz/ so wir solche lesen
oder sprechen/ vnser hertzen dadurch erweckt vnd ent
zündet werden/ Vnd das auch vnser mund bekenne/
welchen Gott wir anruffen.

Daher haben wir auch gesehen/ als oft grosse vnd
schwere rathschlege/ von sorglichen geschwinden vnd
fehrlichen sachen fürsfallen/ dz er ein sehr grossen mut
vñ manheit erzeigt/ vñ sich nicht bald ein klein rauschē
erschrecken lassen/ noch fur drawen/ oder fahr vñ schre
cken verzagt worden/ Den er verlies sich auff diesen ges
wissen grund/ als auff einen vn beweglichē Felsen/ nem
lich auff Gottes beistand vnd hilffe/ Vnd lies im solch
en Glauben vñ vertrauē nicht aus dem hertzen reissen.

So ist er auch so eins hohen scharffen verstands ge
weste/

westt/das er für andern allein in verwirreten/tunckeln
vnd schweren hendeln vñ sachen/bald ersehen kund/wz
man rathen vñnd thun solt/ Er war auch nicht/wie in
vielleicht etlich achteten/also vnachtsam/das er nicht
gemerckt hette/wie es allenthalben inn der Regierung
stünde/oder nicht achtung gegeben auff die Leute/wie
sie gsinnet weren/Sondern er wuste/wie die Regiment
allenthalben stehn/vnd mercket mit sonderm fleis / als
ler der Leute/mit welchen er zuthun hatte/sinn vñ wil
le/Vnd ob er wol sonst ganz hohes verstands/vnd fur
trefflich gelert war/So Las er doch sehr begirig vñnd
fleissig allerley bücher vnd schrifften/beide alter vñnd
newer Lerer vñnd Scribenten/dazu auch alle Histori
en/Welcher Exempel er mit sonderer geschicklichkeit/
auff allerley gegenwertige hendel vnd sachen/zu ziehē
vnd zu Appliciern wuste. Wie wolberedt er auch ges
westt/zeigen seine eigene Bücher vñnd Schrifften / da
rinne zu sehen/das er wol vñnd billich zugleichen/allen
denen/so als die trefflichsten Redner berümpft sind.

DAs nu ein solcher theurer Man eins gantz hohē
verstands/dazu trefflich gelert/vñ durch lange
übung versucht vnd erfarn/vnd mit vielen ho
hen Christlichen sondern tugenten begabt / vñnd von
Gott sonderlich/der Kirchen wider auff zu helffen/era
wecket vnd erwelet (In dem/das er auch vnns alle / als
ein Vatter/herzlich geliebet) aus diesem leben vnd vns
serm mittel vnd gesellschaft/als aus der spitzen inn der
Ordnung / hinweg gefordert vñnd abgeschieden ist/
Des tragen wir vnserthalben billich kummer vnd
schmerzen/ Denn wir sind nu ganz/wie arme/elende
verlassene Waisen/so einen teuren trefflichen Mann
zum Vatter gehabt / vñnd des beraubt sind / Aber
doch dieweil wir **GOTT** gehorsam schuldig/
vnd



vnd seinem willen vnns ergeben müssen/Sollen wir
doch ein stetig ewig gedechtnis dieses vnfers liebē Vat
ters/behalten/vnd aus vnserm hertzen nicht lassen. Ja
wir sollen seinet halb Gott dancken/vnnd vns mit ihm
frewen / der ganz frölichen / seligen / ewigen gemeins
schafft/so er jetzt hat mit Gott/vñ dem Son Gottes
vnserm **HERREN** Ihesu Christo/vnd mit den Heiligs
gen Vetern/Propheten vñ Aposteln/des er bey seinem
leben im Glauben vnd vertrawen zu Gottes Son/all
zeit zum höchsten begert/vnd mit grossen verlangen
darauß gewartet/Da er nu nicht allein höret/das sei
ne schwere arbeit vnd trewer fleis/so er bey der reinen
Ler des Euangelij zupflanzen vnd auszubreiten ge
habt/von Gott vnd der ganzen Himlischen seligē Kir
chen/im ewigen leben gelobt vnd gepreiset wird/Son
dern auch er selbs/als der nu aus diesem sterblichē Cör
per/als aus einem Kercker/ledig worden/vnd in ein an
dere/gar viel höhere herrlichere/Göttliche Schule ko
men/jezund nu für augen anschawet/vnd erkennet dz
hohe/vnergründliche ewige wesen Göttliche Maies
stet/vnd die zwo Naturen/Göttliche vnd Menschlis
che/in einer Person des Sons Gottes vereinigt/Vnnd
den ganzen hohen wunderbarn Göttlichen Rath/da
durch er seine Kirche inn menschlichem Geschlecht/er
schaffen vnd erlöset/Vnnd weil er diese vber alle ma
hohe vnbegreifliche sachen/allhie durch Glauben im
wort/vnd kurzen Sprüchen der göttlichen Schrift
eingewickelt vnd zugedeckt/betrachtet/hat er jetzt vn
aussprechliche freude/das er solches offenbarlich für
augen sihet/vnnd von ganzem brennenden hertzen on
unterlas Gott danckt/für diese allerhöchste wolthat.

Da lernet er nu recht verstehn/wie vnd warumb
der Son Gottes inn der Schrift genennet wird/ das

Wort



Wort vnd Ebenbilde des ewigen Vatters/ Vnnd wie die Person des heiligen Geists sey das band der vnaußsprechlichē herglichē liebe/ beide zwischen Gott dē ewigē Vater/ vnd dem Son/ vnd auch zwischen inē vñ der ganzen Kirchen. Dieser hohen Lere anfang/ vñ gleich als die ersten Buchstaben/ hat er in diesem sterblichen leben gelernet/ vnd von diesen grossen sachen/ nemlich/ von vnterscheid rechter Christlicher/ vnd ander Heidnischer falscher Anruffung/ von rechter warhafftiger erkentnis Gottes/ die da ansehēt wie er sich selb durch sein wort offenbaret vnd zuerkennen gegeben/ vñ nach dem selben den rechten warhafften Gott/ von andern falschen vnd ertichten Götzen/ scheidet vñnd sondert/ hat er sehr oft mit grossen ernst/ vnd Christlich/ aus der heiligen Schrift/ in predigten vnd sonst/ geredt.

S haben in viel in dieser vnser Sammlung / etwo hören auslegen/ diesen Spruch Christi Joha. i. (der aus der Historia von dem Patriarchen Iacob Gen. xxviii. gezogen/ da er die Leiter sahe/ so mit irer spizen an Himel rüret ic.) da er spricht/ Ir werdet von nu an den Himel offen sehen/ vñ die Engel Gottes hin auff vnd herab faren/ auff des Menschen Son/ Hie vermanet er erstlich die Zuhörer/ diesen hohen herrlichen Trost wol zu betrachten/ vñ ins hertz zu trucken / Das vnns jetzt gewislich der ganze Himel offen steht/ das ist/ das wir nu durch Christum/ einen zugang habē zu Gott/ vñnd der schreckliche vntregliche zorn Gottes/ hin weg gnommen/ so wir zu diesem Mitler/ dem Son Gottes zuflucht haben/ Vnd das Gott nu bey/ vnd vnter vns ist vnd wonet/ vñnd das die in im Glauben anruffen/ von im gnediglich angenommen/ erhöret/ regiert vnd erhalten werden.

Von diesem wunderbarn ewigen Rath vñnd wil
C len

len Göttlicher Maiestet (welchen doch viel ruchlose Gottes verechter/für eitel Sabeln vñ lauter nichts halten) leret vnd vermanet er/das man in mit vestem glauben solt entgegen setzen vnd halten/dem Natürlichen zweiucl menschlichs hertzens/vñ alle dem schrecken vñ anfechtungen/dadurch elende/betrübte hertzen flüchtig vnd schew gemacht werden/das sie sich nicht können erheben/Gott in rechtem gewissen vertrawē anzuruffen/noch sich Gottes tröstē vñ mit im zu friedē sein.

Darnach sagt er/die Engel so auff vñ nider faren/auff des menschen Son/das ist/des Herrn Christo leib/dz seien die trewen Diener vñ Prediger des Euangelij/welche erstlich durch diesen vnsern Vorgenger vñ Herzogen Christum/hinauff zu Gott faren/vñ von im dz Liecht vnd erkentnis des Euangelij/vnd den Heiligen Geist empfahen/Vnd darnach wider herab faren/das ist/das Ampt dz Euangelium zu leren vnter den Menschen führen vñ üben. Zu diesem bracht er auch diese auslegung mit ein/dz auch eben die Himlischen Geister/die wir pflegen Engel zu nennen/so die den Son Gottes anschawen/durch diese anschawung der wunderbarn vereinigung beider Natur/viel lernen/vnd darob vnseglische freude haben/Vnd weil sie dieses HERRN vnser Heilands/Diener vnd Heerscharen sind/die Kirchen zuschutzen/werden sie durch desselbigen handleitung reagiert.

Diese grosse/herrliche/aller höchste sachen/schawet er jetzt selbs für augen/Gleich wie er zuvor vnter den Dienern Christi vnd Predigern des Euangelij vnter diesem Herzog Christo gehn Himel hinauff/vnd herab fuhr/Also sihet er nu auch/wie seine Engle von im gesand werden/vnd hat grosse herzliche lust vnd freude mit inen/in der anschawung vnd betrachtung/
seiner

seiner Göttlichen weisheit vnd Göttlicher werck.

Es haben auch vnser viel in gutem gedechtnis/wie gerne vnd mit grosser lust er pflegt zu reden / von der heiligen Propheten regierung (im Volck Gottes) vnd von irer Lere vnd gutem Rath/auch von irem kampf fahr vnd verfolgung/ so sie erlitten/ vnd wie sie Gott wunderbarlich erretzet/Vñ wie mit grossen verstand vñ hoher weisheit/er die ganze zeit der Kirchē Gottes in der Welt gegenāder hielte/Damit er gnug anzeigte/wie gros verlangen er hette bey den selben Heiligen hohen Leuten zu sein. Zu diesen hat er sich jetzt gesellet/vñ frewet sich/das er ire lebendige stimme hören/vnd mit ihnen reden soll / So sind sie auch widerumb dieses ires Schulgesellens/vnd Mitdieners hertzlich fro/ empfas hen vnd grüssen in freundlich/Vnd sagen also/beide Gott ewig danck/der aus gründloser gnad vnd gūte seine Kirchē in menschlichem gschlecht samlet vñ erhelte.

Darumb sollen wir gar nicht zweiueln / das dieser vnser lieber Vatter D. Luther/bey Gott inn ewiger seligkeit ist/Aber darumb bekömmern wir vnns billich/das wir nun einsam vnd verlassen sind/ Jedoch/weil wir dem Göttlichen willen/nach dem er von vnns hinweg gefordert ist/zu gehorchen schuldig sind / Sollen wir wissen / das Gott auch dieses von vnns haben wil/das wir seiner tugent/vnd der wolthatē/die vns durch in gegeben/inngedencē sind/ Diese danckbarkeit sollen wir im treulich leisten.

Vnd sollen erkennen vnd betrachten/das er ein edel/köstlich/nützlich vnd heilsam Werckzeug Gottes gewesen/vnd sollen seine Lere mit treuem fleis lernen vnd behalten.

Daneben auch seine tugent/die vns not sind/vnns zum Exempel fürbildenn / vnd den selben nach vnser

mas fleißig nachfolgen/ als Gottes forcht/ Glaubens/
ernstlich vnd brünstig anruffen Gottes/ trew vñ fleis
in vnserm Ampt/ Keuschheit vnd zucht/ fürsichtigkeit/
alles was auffrühr vnd ander ergernis erregen mag/
zu fliehen vnd meiden/ lust vnd begir immerdar mehr
vnd mehr zu lernen.

Vnd wie wir billich offt vñ viel anderer grosser
Heiliger Leuten/ durch welche Gott seine Kirche auff
Erden regieret/ gedenccken/ als Jeremie/ Johannis des
Teuffers/ Pauli. Also sollen wir auch offt diese Mans
lere vnd leben betrachten/ vnd daneben vnser danck sas
gung vnd Gebet zu Gott thun/ Welchs sich auch jetzt
in dieser Sammlung zuthun gebürt. Darumb so wollet
mit mir aus rechtem Christlichem hertzen vñnd glaus
ben zu Gott sprechen.

O Allmechtiger Gott/ ewiger Vat
ter vnser HERR vnd Heilands
Jhesu Christi / der du dir ein ewige
Kirche geschaffen vñnd erwelet hast/
samt deinem ewigē eingebornē Son
Jhesu Christo / vñ dem heiligē Geist/
der du bist weise/ gütig / barmherzig/
ein gerechter Richter / warhafftig/
Starck/ vnd mechtig zuthun was dir
gefellet/ Wir sagen dir danck/ das du
aus dem menschlichen geschlecht dein
Kirche

Kircke / deinem eingebornē Son zu ei-
nem ewigen Erbe / samlest / vnd das
Predigampt des Euangelij erheltest /
vnd dasselbig auch zu vnser zeit durch
deinen trewen diener D. Martinum
Luther wider auffgerichtet hast. Vnd
bitten von ganzem hertzen / das du
auch für vnd für deine Kirchen allent
halben / erhalten vnd regiern wollest /
vnd in vns Versigeln vnd bewaren
die warhafftige reine Ler / wie der Pro ^{Esai. 8.}
phet Esaiä für seine Schuler vnd Jün-
ger bittet / Wollest auch vnser hertzen
enkünden durch deinen heiligē Geist /
das wir dich warhafftiglich anrüssen
vnd vnser leben nach deinem wort vñ
willen / regieren vnd volfüren.

Vletst / dieweil aus den Historien zu sehen / das
großer fürtrefflicher Lerer / vnd Regenten todt /
hoffemals den Nachkomen grosse straffen bedeu-
tet / So wollen wir / ich / vnd alle / welchen das Ampt in
dieser Kirchen vnd Schulen zu Leren befolhen ist /

C iij euch

auch hiemit erinnert/vnd zum höchsten vermanet ha-
ben/das jr die jezige gemeine fahr vnd sorgliche leuff-
te/der ganzen Welt betrachten wollet / Denn wir ses-
hen/das an einem ort der Türckisch Tyrann / grewlich
vnd schrecklich würet vnd tobet / am andern / dreyen
vns auch andere vnser Feinde / schwere Kriege vnd ver-
wüstung in Deudschem Land / vnd vnter vns selbst /
So findet man auch hin vnd wider viel böser mutwilli-
ger / vnd freueler Köpffe / welche so sie sich für D. Lus-
thers ernst nicht mehr fürchten werden / werden sie mit
größer thurst vnd künheit / die reine Lere der Kirchen /
sich vnderstehn / zu zerrüten vnd verderben.

Auff das nu Gott solche straffen gnediglich ab-
wenden wolle / sollen wir auch deste fleissiger sein / vn-
ser Leben / Sitten vnd Studia Christlich zu regieren /
Vnd sollen alle zeit diesen tröstlichen Spruch vnd
tröstliche Verheissung / in vnserm hertzen / vnd für au-
gen haben / das wir sollen / so lang wir die Lere des E-
uangelij bey vnns bewaren / hören / lernen / lieben / ehren
vnd fürdern werden / Gottes Wohnung oder Tempel
vnd Kirche sein / wie Gottes Son Johan. xvj. gespro-
chen / Wer mich liebet / der wird meine wort halten /
vnd mein Vatter wird in lieben / Vnd mir wollen zu im
kommen / vnd wonung bey im machen.

Durch diese gnedige liebliche vnd ganz tröstliche
Verheissung / sollen wir vns selbst erwecken / diese Göttli-
che lere mit fleis zu lernen / Vnd wissen / das das ganz
Menschlich geschlecht / vnd alle Regiment auff Erden
allein vmb der Kirchen Gottes willen / erhalten wer-
den. Vnd sollen jezund die ewige selige geselschaft an-
sehen / die wir in zukünfftigem leben mit Gott / Christo
vnd allen Heiligen haben sollen / dazu vnns Gott aus
grundlosen gnaden beruffen / Welcher sich on allen
zweifel

zweinel nicht vergeblich/durch so viel Klare/wunders
barliche zeugnis vns offenbaret/vnd nicht vergeblich
seinen einigen Son vns gesand vnd gegeben/Sondern
warhafftig vnnnd hertzlich liebet/vnnnd forget
für die ihenigen/die solche seine Gött
liche wolthat erkennen vnnnd
gros achten/

A M E N

Gedruckt zu Franckfürdt am
Mayn/durch Herman
Gülfferichen.

Anno M. D. xlvj.

Handwritten text, likely bleed-through from the reverse side of the page. The text is mirrored and difficult to decipher due to fading and bleed-through.

Handwritten text, likely bleed-through from the reverse side of the page. The text is mirrored and difficult to decipher due to fading and bleed-through.







78 L 1054


X2208617

Ac 268

m







ORATIO

Über der Leich des
Ehrwürdigen Herrn D. Martini Lu
thers / gethan durch Philippum Melan
thon / Am xxij. tag Februarij.

Verdeutschet aus dem Latin
durch D. Caspar Creus
ziger.

Anno XLVI.

